

秋心說部第一集

綺雲題



中華民國四年一月十六日初版



秋心說部第一集

定價大洋五角

譯述者 海門陸秋心

發行者 少年社

總發行所 上海四馬路麥家圈東口
民權出版部

分售處 各省各大書坊

印刷者

上海威海衛路三百九號
益新公司印刷所
電話一千二百三十五號

序

七八月之間。薄遊海上。舊友錢塘汪君綺雲。請檢舊稿數種。爲印秋心說部行世。余始自維。小說雖小道。然能名家而傳之久遠者。必自有其特長。無古今中外一也。余所譯撰。平易無奇。取充日報中篇幅則可。若禍梨棗。供覆瓿耳。繼念近數年來。坊間所出小說無慮千百種。執筆譯撰小說者無慮千百人。必欲名家而傳之久遠。其亦寥寥無幾矣。汪君舊交。詎可重違其請。因發篋衍。隨取舊稿四種。曰刺虎盟鴛記。曰鐵血紅絲。曰蛛絲怨。曰蘭因。都凡七萬餘言。授之。比者汪君復以書來。告將刊成。並索數言弁首。嗟乎。余之始識汪君。蓋在民呼日報。而余之署名秋心。亦自在民呼始。民呼既亡。民吁民立中。余與汪君共事有年。翰墨因緣。不爲非久。今已都成陳迹矣。卽當時同社諸君子。氣求聲應。常共

析疑賞奇者。亦復雲散風流。不獲更聚斗室中。縱筆論天下事。海天感舊。得無俱有今昔之情歟。余願汪君之印行秋心說部。而無忘與秋心共事之日也。余又願同社諸君子之見秋心說部。印行而無忘與秋心共事之日也。若欲名家而傳之久遠。則如余之小說。平易無奇。夫何敢望。

中華民國三年十一月海門陸曾沂灌村自叙于秋心閣

秋 心 說 部 第 一 集

秋心說部第一集
總目

- (一) 刺虎盟鴛記
- (二) 鐵血紅絲
- (三) 蛛絲怨
- (四) 蘭因

目
錄

刺虎盟鴛記

秋 心

史道敦英將也年少而貌姣好如婦人女子隨某總督新駐印度攜所愛女郎梅麗泛小舟夜出梅麗父故倫敦巨商與史道敦爲鄰以被任爲東印度公司經理攜家去國史道敦雅好梅麗思妻之顧未及請婚而梅麗已隨父行由是常忽忽若有所失今幸萬里外復得相見史道敦舊夢重溫矣故每值公事既畢輒就梅麗作促膝談是夕晚膳甫撤月明如洗乃相約出遊而梅麗之父及其家人咸未之知焉其始二人僅散步溪頭喁喁絮語而已繼見樹陰繫艇月點波心萬籟俱寂涼風襲袂如入廣寒清虛之府迺携手偕登解維出發梅麗笑曰史道敦將載我焉往史道敦笑答曰我來未久不辨此間水道特縱一葦之所如耳梅麗吾之愛卿有逾骨肉將與卿結水上鴛盟必不載卿入龍潭虎穴中去也梅麗復笑曰與子偕行卽入虎穴亦復何懼言次舟輕水急鷁首激流櫓汨作聲迴望梅麗家門隱約漸出樹杪峯迴路轉計程已遙然舟中人方互傾其絮絮幾多心上語雖誤入藕花深處而驚

起一灘鷗鷺亦且勿覺矧在斯時惟有水聲月色送茲單舸以外更無來擾此佳境者耶

久之史道敦偶舉首仰視忽見危牆高聳橫跨溪流下有穹門容舟出入則大奇甫欲致詢梅麗艇已穿門而進乃若別有天地林木彌望枝頭果實纍纍惟月下望之不甚清晰意殆人家菓園也而舟行所屆沿隄欄檻近水樓臺大樹參天脩竹拔地又復綿亘數里不絕

於是梅麗笑指岸上謂史道敦曰不知誰氏園林距吾家僅咫尺乃竟未獲一探其勝趁茲良宵好風月盍往遊乎史道敦欣然引舟近岸泊繫之高楊根次與梅麗攜手信步而行明月來照雙影在地正如比翼鳥飛片刻不離身左右也

梅麗故嬌憨好嬉弄斯時與史道敦且進且談四矚周圍風物忽動奇思斗脫其腕於史道敦握中大笑而逸史道敦亦笑而逐之梅麗已入樹林深處繚繚裙聲輕揚腕影俱不可得而聞見矣史道敦既失梅麗愕然尋見林左右臺臨流而峙念梅麗

或竄匿臺後因往蹤之且笑而言曰梅麗如再不出吾將駕小艇一人歸去卿須知私入名園萬一驚起主人甯不可笑語未已聞臺畔隱隱有吃吃笑聲與己相和益信其爲梅麗遂邁步而前果見臺上一美人憑欄下眺

史道敦益愕念明明聞笑聲出臺畔何遽又在臺上詎梅麗今夕竟狂易必欲驚起園主人耶正擬進招之下而美人偶一迴首月光適射其面迺非梅麗實一印度之傾國佳人也滿身羅綺面幕未垂剪水雙波直注史道敦之身若深訝此地非尋常人跡可到何竟有此不速之客犯夜來者

斯時史道敦趨起不審所可又未悉梅麗所在惶駭莫名忽見此印度美人櫻唇微啓似欲有言尋乃發異聲揮手示意使已速去若謂稍滯即有飛災之來襲矣史道敦方欲退顧已無及陡聞擊掌聲不知發於何處即有作宦寺裝束者十餘輩自臺下室中拔扇奔越以出史道敦急馳蓋此美人實爲印度王后而此間即印度之御菓園也按印度律人有私入御園者罪至死有半視王后於面幕未垂時者罪至凌

刺虎盟駕記

四

遲而若王后爲人發覺與男子交言則當受衆辱以死今者史道敦何不幸而於極樂中陡覩此奇禍耶然史道敦之東來爲日無幾故雖履至危極險而猶未之知也刹那間羣閣已追及史道敦於隄畔環而攻之史道敦未及抵禦復爲草積絆足遂踣於地爲所執羣閣則縛而塞其口牽之入宮將就鞫於御前

旣至一便殿見慘淡燈光之下印王已升座羣閣乃爲史道敦拔去口中塞以兩人夾其左右面縛而立印王則掀唇冷笑側目視之尋忽拍案厲聲曰史道敦將軍若爲英國軍官且亦君子人也今試言之設有破壞信約者當得若何之處置史道敦不解所謂惟觀印王詞色斯際似尙未許之發言遂屹立如故昂首不答而胸次私計宵中人靜羣閣又皆無舌之徒不知吾命如何究有何罪祇好付諸暴酋掌握中而已

印王復疾呼曰有越賓主之分而效竊賊之行夜窺宮禁森嚴之地者當得若何之處置有輕擲其一己之名譽而並貽羞及於其東道主人者當得若何之處置

史道敦至是方悟印王將加己以汚瀆宮禁之罪名驚駭特甚豁若夢醒卽抗聲答辨曰是說何來乃欲混入人罪吾雖萬死亦不甘服印王益大怒離座直唾其面曰若誕人若罪囚之子朕實親見若尙有何說朕今其焚殺若輩於衆前休矣若必與此婢受同一之死法言已揮羣閹立牽之去

於是群閹復蜂擁進加史道敦以三重縛拽之行入宮中一窟室推擲諸青石上鍵其門而出

斯時史道敦頽臥自念肢體受縛求欲轉側而不得是將奈何然卽行動可以自由亦斷難越此黑獄而出蓋窟室之牆四周俱厚數尺中有鐵柱外復有羣閹操刃環守縱能穿穴求脫恐仍將爲所襲執則身首異處勢必不免矧如印人之曠悍或竟以支解之毒手相加投屍園外急流中漂送出海口亦意中事果爾是史道敦之慘遭冤殺遽別塵球安有人能悉其底蘊耶繼復自念不知梅麗此際更作何狀當數小時前攜手出遊兩心之樂匪可言喻滿望乘此良宵決能盟成割臂歸吟偕老之

詩何圖好事多磨橫來鬼妒深幽狂陛遽作印酋階下之囚而意中人之安危更難臆測嗟我梅麗其亦遭逢不幸而被執與予等乎抑其命較予更薄而所受亦較予更慘乎抑仍竄匿林中而亟亟謀所以脫險之道乎嗟我梅麗不期泛舟之初虎穴一言竟成惡識未識此後復有出穴之希望否也繼復自念令梅麗知我幽囚斯間不審其芳心中有若何之苦痛意必深悔其戲遁林中而招此奇禍矣然此豈梅麗之咎耶綜言之惟吾二人命薄故無端爲造物所弄耳

雖然斯時梅麗果如何者梅麗初自林中穿及臺畔聞史道敦跡至言將駕舟獨歸卽笑而欲出當時史道敦聞臺畔吃吃聲實發於梅麗非有他人也詎輕移細步未及出林卽見史道敦爲羣閣追逐梅麗駭極幾暈幸倚橫枝得以不仆乃思馳往助史道敦與羣閣一搏

忽聞臺上有低聲操英語俯喚者曰勿動速勿聲汝若欲助彼拒捕者汝受禍將較彼尤酷汝速止舍予外幸尙未有一人見汝梅麗仰視知爲印后始悟誤入禁地氣

結不揚念史道敦必無幸則又戰慄幾仆

忽聞印后復低喚曰疾馳向右轉穿出玉蜀黍叢中沿曲徑奔去徑盡便得一階歷階而升入匿屋中伏蒲小團旁架上有披肩數事可取以自覆必勿動必勿聲予亦瞬將被拘入此室中以待後命白綾三尺鳩酒一杯果孰爲予之勾魂使者未可知矣言已仍憑欄屹立輕舒皓腕自垂其面幕

梅麗急向右奔未及五步驚悸亡魂倚身玉蜀黍之叢不能舉趾而臺上已有步履雜沓之聲登矣印后復低聲疾喚曰速奔人來矣舍是別無生路

當是時羣闈已至后側高舉其手中刀附鼻於靴向后行禮既畢則示意使后隨之以行然后仍屹立無動如石雕美人惟聳耳靜聽風中亦有玉蜀黍葉披動之聲否蓋后之意以爲彼英國女郎之命卽懸此片刻間也既竟寂無所聞知已穿至曲徑於是后則故爲濡滯預計足供彼女郎伏匿之光陰然後俯首移步從容下臺不發一語而羣闈亦遂前後擁護之行儼以犯人相待焉

印后行時至緩久始至其待罪之室既入門夷然就小蒲團上坐既而引目四矚見旁有披肩一堆似方顫動則驚訝幾於失聲而號幸顫動旋止羣闈亦未之覺后始釋然羣闈遂闔門出露刃坐守於外中有二人乃往來廊下巡視履聲闈閣莫或稍止於是梅麗遂無脫身之機而印后亦徒有奈何之嘆蓋印后始意因匆促不及詔梅麗以出園之道故先令其暫匿此間滿望且俟已來乘羣闈之行徐教以方乘間潛行出險而不圖羣闈之死守不去也今若此尙復何望長門漏永斂鳳籠鴛薄命同傷楚囚對泣斯時斗室之中深鎖兩美人實皆受辱無端含冤莫訴夫亦大可憐矣

越一小時乃有一衰邁龍鍾之媼佝僂而來止於門外出印王所御金約指示羣闈且低聲與言曰奉陛下命往數其罪且告以法羣闈固皆重聽而又瘖不能言者惟見媼所持金約指立辨其爲御物卽咸起立合掌向之爲禮而任老媼入門

媼卽往就后於囚室中跽后前哽咽言曰嗟乎陛下自陛下在襁抱中老婢卽得敬

侍左右迨後天降禍於陛下入此奇妒之宮老婢亦未嘗一日相離也今且奈何嗟乎陛下詎事竟有使老婢無能爲役者耶願陛下言之印后曰嗟乎阿保尙復何言語時神色如恒雙波平注老嫗絕無畏懼之態嫗曰然則取此以自救矣卽探懷中出匕首一前上諸后寒芒尺許照眼生驚噫嘻寶刀果將爲此印度傾國佳人自救之資乎抑將爲其自殺之具也

嫗旣授刃於后起而自行將及門見封閉完固知竊窺無人則復躡足以反謂后曰頃聞傳命近衛長以凌晨赴森林中動物苑旁廣場上言至此更進附后耳曰然必勿懼老婢已密囑恒嘉佗史俟於彼中恒嘉佗史生長林間習知禦獸之術老婢惟願帝佑陛下而能表白陛下之無他陛下今且禱天母自苦也語畢遂出

斯時印后心目中乃彷彿有一動物苑旁之廣場在矣蓋御園之外適爲森林闢門於宮牆而通之林際有隙地作橢圓形脩可十丈廣及其半圍以十五尺高之柵場上鋪平沙厚尺許周圍古木上千雲霄怒挈其枝垂蔭四蔽復多交柯恍張天幕遂

令滿場昏黑。雖在日中。如入暮夜。人踐其際。若臨鬼域。柵有二門。皆製以鐵。後者高不逾五尺。門外通谷道。直達巖穴。食人之獸所窟宅也。前門廣可容象之出入。門外築壇上。設雲母石牀。印王平日視獵。輒坐於此。目擊場上黯淡光中人獸角鬪。以爲娛樂。血肉飛濺。見之毛戴。是亦天下至慘之事也。然今此落場。迺非較獵。實爲訊鞫。蓋印王將使其所謂罪人者。與虎鬪。而聽命於天。能殺虎則爲無罪。而邀神佑之證。否則膏虎吻而死。後亦終不白耳。

曉光未啓。宮車已出羽林。雷動集於林中。史道敦乃爲二衛卒夾其左右。反縛以至印后。則乘王所常騎大象。止於壇前。象乃屈其前足。跪地轉其長鼻。仰承后足助之飄然而下。

印后披長帔。以手捧心。從容登壇。傲然立王前。片刻雖面幕低垂。不能見其容色。何若然實不聞有自白或乞憐之語。流出於櫻唇瓠齒之間。噫嘻。印后命懸於天矣。彼蒼蒼者。果能拯之出險否耶。

印王旋命啓場之前門場內緊附柵之一邊已於夜間置有鐵籠在焉籠門偃置沙中繫以巨練上緣籠頂穿過柵外以一人執之迨二闌奉王命牽后入場置諸籠中柵外執練之人卽力收其練籠門自起旋堅閉矣於是印王則顧而謂史道敦曰今當釋若縛縱若入場遂揮手令羣闌解其臂復曰若當遇一大敵雖被重鎧亦無益也設若爲所斃者籠當復開此婢卽繼若與敵角故此婢之命今實與若同之然或若能不死敵手則若與此婢俱歸無罪史道敦曰所謂大敵者何物耶印王笑曰若少安毋躁行當見之卽復揮手示羣闌以旨

羣闌中一人立前闔場之前門更以一人繞柵外馳赴場之彼端攀登巖石上下臨後門力收一巨鐵練絞諸盤車之輪後門懸門也至是乃高入空際谷道與獵場通矣其人益復登一高峯以長竿下擾巖穴

陡聞怒嘯一聲林木俱震谷道中猝見一物金光奪目如怒箭離弦直撲入柵門始伏沙際繼立聳其背作弓形一躍已抵場之中心則一威伏百獸之猛虎也蓋不與

刺虎盟鷺記

三

人擲已十日矣。倦臥洞中。方渴望王之下。詔而畀以美食。斯際竟得如願。乃搖其頭。蠢其尾。跳動其四足。而饒涎且流出唇外。

其始以天際尙未啟。明虎故未見柵外之人。及籠中之物。旣而橫目四顧。光射柵之一邊。乃立騰躍。凡二度。卽抵鐵籠之前。前爪已據橫栓之上。

越數杪。鐘虎竟伸其右爪入籠。尋復繼以左爪。望空攫拿。然籠中面幕低垂之美人。仍屹立無動。雖與虎爪相去。不能以半尺。仍未爲一步之退也。於是虎則緊附其軀。於籠旁竭力伸爪。上下摸索。而卒不可得。遂猛攀橫鐵。退據沙中。

此一拽也。籠爲格格震動。而籠門之鍊執諸柵外一人手中者。幸早移繫大樹之根。然且深入樹皮寸許。是可見虎力之猛矣。

斯時虎見抉門無效。乃釋其爪。退行十餘步。咆哮而進。冀以力撞破之。鐵條受震。盡向內曲。迨虎退則復彈出。而虎亦復進。如是虎與鐵條互爲進退者。凡十餘度。蓋虎已兩日不得食。此際乃有柔甘莫匹之美人肉。香戟其鼻。觀自不能不捨死以求之。